

Transkription von Stadtbucheintrag HWI 1393b

Ort, Datierung: Wismar, 1393-??-??

Signatur: Stadtarchiv Wismar, Liber proscriptorum, S. 40

Inhalt: Rat der Stadt Wismar: Verfestungseinträge

[Anno xciiij]

[...] dulman vnd(e) marquard dulman sint voruestet / twe beenbroke de se myd ene(r) sa(m)melden hupen hebb(et) / wracht an curd kalchhorste des ze myd alleme rechte / vorwune(n) in der jeghenwardicheit myner here(n) vorben(omet) /

[...] dulman vnd(e) Marquard dulman sint voruestet / v(m)me ene(n) husurede den ze deden in hannes neperstorpes / hus dar ze sic af hebbet gheue(n) in ene vore vlucht / vnd(e) myt alleme rechtet sint vor wunen /

Clawes zolinh de is voruestet v(m)me twe wllenkome wunden / de he wrachte myt egge vnd(e) myd orde an tydeke pantzow(e) / gaste . dar tydeke houetman wart to deme rechte to weuel=/ghende also alze he sic dar af heft ghe gheue(n) in ene vore=/vlucht . vnd(e) myd alleme lub(ischem) rechte ver wune(n) . in der je/ghenwardicheit myner here(n) vor benomet . /

Clawes dene is vervestet v(m)me twe vulkomene wunden de he / wracht . heft an hamers knechte vn(de) is myt alleme lub(ischem) rechte / verwu(n)nen . /

hans schotteler is vervestet vm(m)e twe vulkomene wunden de he / wrachte an clawes schucken . des he myt alleme lub(ischem) rechte ver wu(n)nen / is //